



U skladu sa Uredbom o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo ("Službene novine Kantona Sarajevo" br. 33/11, 3/12, 37/13 i 16/14), ministrica za rad, socijalnu politiku, raseljena lica i izbjeglice Kantona Sarajevo oglašava:

JAVNI POZIV
za finansiranje/sufinansiranje projekata ostalih udruženja iz oblasti rada,
socijalne politike, raseljenih lica i izbjeglica sredstvima Budžeta
Kantona Sarajevo za 2015. godinu

- I. Predmet ovog javnog poziva je dodjela sredstava tekućih grantova ostalim udruženjima iz oblasti rada, socijalne politike, raseljenih lica i izbjeglica iz Budžeta Kantona Sarajevo za 2015. godinu sa pozicije Ministarstva za rad, socijalnu politiku, raseljena lica i izbjeglice Kantona Sarajevo.
- II. Ostala udruženja iz oblasti rada, socijalne politike, raseljenih lica i izbjeglica čiji se rad ne finansira/sufinansira iz Budžeta Kantona Sarajevo podnose projekte koji moraju biti od interesa za oblast rada, socijalne politike, raseljenih lica i izbjeglica, te dokumentaciju iz koje se vidi ispunjenost kriterija.
- III. Opći kriteriji su:
 1. Registracija udruženja na bilo kojem nivou vlasti u Bosni i Hercegovini,
 2. Realizacija projekata udruženja koji su od interesa za građane Kantona ili doprinose razvoju i afirmaciji Kantona i provode se na području Kantona,
 3. Ekonomska i društvena opravdanost projekta koje udruženje predlaže i provodi,
 4. Program rada za 2015.godinu sa obrazloženjem,
 5. Finansijski plan za 2015.godinu,
 6. Izvještaj o urednom finansijskom poslovanju (bilans stanja, bilans uspjeha i narativni izvještaj za 2014.godinu),
 7. Finansijski izvještaj o utrošku sredstava za projekte odobrene u 2014.godini,
 8. Organizovanost i broj članova udruženja,
 9. Broj lica koji učestvuju u realizaciji projekta,
 10. Specifičnost potreba članova udruženja, odnosno populacije koju zastupaju,
 11. Rezultati i uspjesi na kantonalnom, federalnom, državnom i međunarodnom nivou, odnosno broj korisnika obuhvaćenih projektom,

Dokumentacija koja se treba dostaviti prilikom prijave projekta:

 1. Popunjen predviđeni obrazac za aplikaciju za finansiranje/sufinansiranje projekta, koji sadrži: naziv projekta, opis problema/potreba, kratak opis projekta, ciljevi, ciljne grupe, plan realizacije projekta, trajanje projekta, osoblje i budžet, a koji se nalazi na web stranici Ministarstva www.mrsri.ks.gov.ba,
 2. Rješenje o registraciji udruženja i Uvjerenje iz registra udruženja izdato u vrijeme podnošenja zahtjeva, izuzev iz Registra udruženja koje vodi Ministarstvo pravde i uprave Kantona Sarajevo, a koje će ovo ministarstvo pribaviti po službenoj dužnosti,
 3. Uvjerenje o poreskoj registraciji – identifikacioni broj,
 4. Uvjerenje o izmirenim poreskim obavezama,
 5. Uvjerenje o izmirenim porezima i doprinosima za zaposlenike (ukoliko ima zaposlenika); udruženje koje nema uposlenih i neizmirenih obaveza može dostaviti ovjerenu izjavu kod nadležnog organa, da nema uposlenih i neizmirenih obaveza kojom to potvrđuje,
 6. Bilans stanja i bilans uspjeha za 2014. godinu, ovjereni od nadležne poreske uprave,
 7. Izvještaj o utrošku sredstava za projekte odobrene u prethodnoj godini.
- IV. Svaki aplikant može dostaviti najviše dva projekta od kojih će jedan eventualno ući u drugu fazu ocjenjivanja projekata i eventualno biti predložen za finansiranje/sufinansiranje.

- V. Ostala udruženja iz tačke II ovog javnog poziva dužna su dostaviti potpunu dokumentaciju iz tačke III javnog poziva.
- VI. Pod ostalim udruženjima podrazumjevaju se udruženja koja nemaju stalni oblik finansiranja iz Budžeta Kantona Sarajevo za 2015. godinu.
- VII. Proceduru odobravanja sredstava udruženjima iz tačke II ovog javnog poziva provodi posebna komisija koju imenuje ministrica za rad, socijalnu politiku, raseljena lica i izbjeglice Kantona Sarajevo. Komisija, uzimajući u obzir opravdanost zahtjeva i kvalitet predloženog projekta, kao i mogućnost finansiranja/sufinansiranja u odnosu na odobrena budžetska sredstva za ove namjene, kao i ostale navedene kriterije koji proizilaze iz priložene dokumentacije, sačiniti će listu projekata za finansiranje/sufinansiranje, sa prijedlogom visine iznosa i dostaviti na saglasnost ministrici za rad, socijalnu politiku, raseljena lica i izbjeglice Kantona Sarajevo.
- VIII. Prijedlog visine sredstava po ovom javnom pozivu utvrđuje resorno ministarstvo na osnovu utvrđenog Budžeta Kantona Sarajevo za 2015.godinu.
- IX. Javni poziv će biti objavljen u dnevnim novinama i na web stranici Ministarstva za rad, socijalnu politiku, raseljena lica i izbjeglice Kantona Sarajevo www.mrsri.ks.gov.ba, a rok za podnošenje prijave po ovom javnom pozivu je 8 dana od dana objavljivanja istog.
- X. Prijave na javni poziv dostavljaju se u zatvorenoj koverti na protokol Kantona Sarajevo ili poštom na adresu:

Kanton Sarajevo
Ministarstvo za rad, socijalnu politiku, raseljena lica i izbjeglice
Reisa Džemaludina Čauševića br. 1
71000 Sarajevo
(Prijava na javni poziv – ne otvaraj)

- XI Rezultati javnog poziva objavit će se na oglasnoj ploči Kantona Sarajevo i na web stranici Ministarstva. Na web stranici ministarstva mogu se preuzeti i obrasci navedeni u ovom javnom pozivu (prijavni obrazac i obrazac za narativni i finansijski izvještaj).
- XII Sredstva odobrena po osnovu javnog poziva se moraju iskoristiti za realizaciju kandidovanog projekta, pri čemu se korisnik sredstava mora pridržavati važećih zakonskih propisa.
- XIII Svi aplikanti na javni poziv kojima sredstva budu odobrena, obavezni su nakon realizacije odobrenih sredstava i projekata Ministarstvu za rad, socijalnu politiku, raseljena lica i izbjeglice Kantona Sarajevo dostaviti detaljan izvještaj o utrošku odobrenih sredstava sa finansijskog i tehničkog aspekta, sa kompletnom dokumentacijom na standardnom obrascu za narativni i finansijski izvještaj koji se nalazi na web stranici Ministarstva www.mrsri.ks.gov.ba.
- XIV Rok za dostavu izvještaja je 30 dana od dana okončanja projekta, a najkasnije do kraja tekuće godine.
- XV Nepotpune, neuredne i neblagovremene prijave neće se razmatrati.

Broj: 13-14-30340/15
Sarajevo, 20.11.2015.godine

MINISTRICA

Karolina Karačić, dipl.ing



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

